



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 33. Concilium Toletanum XIV.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

rum Litterarum Scientia & Cantus Ec-
 clesiastici Disciplina apprime instructus, Sæculum VII
 A. C. 684.
 a pueritia Ecclesiæ ministrans, digne sa-
 cerdotio fungebatur, Amator paupertatis,
 humilis, mansuetus, patiens, & munificus.
 Is Epistolas Constantini Imperatoris accepit,
 ad Clericos, populum, & exercitum Romanum
 directas, quibus Princeps potestatem faciebat,
 sine mora illum ordinandi, qui Papa electus
 fuisset. Id est, ut, omissa Legatione ad
 Cæsarem, sufficeret, quod Exarchus Ravennæ
 nomine Imperatoris consentiret. Papebr.
 Conc. Chr.,
 p. 109.
 Benedictus Papa ad Petrum Notarium in
 Hispania versantem dedit epistolam, in
 qua instabat, ut ipsi ab Antecessore suo
 mandata strenue curaret. to. 6. Conc.
 p. 1278.

§. XXXIII.

Concilium Toletanum XIV.

Ut his Mandatis satis fuisset factum,
 opus fuisset convocare Concilium
 Generale ex tota Hispania, quod cum
 ob varia obstacula fieri non posset, iussit
 Rex, ut Synodi in qualibet Provincia,
 & primo Toleti Synodus Provinciæ Car-
 thaginensis celebrarentur. Conc. Tol.
 14. c. 1.
 Aduere omnes illius Provinciæ Episcopi,
 numero septendecim, quibus Julianus Archiepiscopus
 præerat. Verum ceteri quinque
 Metropolitæ illo Legatos miserunt, nempe
 Cyprianus Tarraconensis, Sunifredus
 Narbo-

Sæculum VII Narbonensis, Stephanus Emeritanus, Livi-
 A. C. 684. ba Braccarenfis, & Floresindus Hispalen-
 sis. Hoc Concilium, quod inter Tole-
 tana decimum quartum numeratur, de-
 cimo octavo Cal. Dec. anno Ervigii quin-
 to, æra 722. id est, die decimo quarto
 Nov. anno 684. inchoatum, & vigesimo
 ejusdem mensis solutum est.

- Summa eorum, quæ Episcopi dixe-
 runt, fuit: *Acta nobis examinanda sunt,
 Roma ad nos missa, quia juxta Canones in
 Causis Fidei Concilium universale convo-
 candum est.* Scilicet Hispani Concilium
- c. 4. Constantinopolitanum tanquam Oecu-
 menicum non habebant, ad quod Hispania,
 Ecclesiæ Pars admodum spectabilis,
 vocata non fuisset. Hinc, antequam
 illius Definitionem examinassent, eam
 recipere volebant. Tum subjungunt:
- c. 5. *His Actis cum antiquis quatuor Conciliis
 collatis, ea approbamus, recipimus, & ve-
 neramur tanquam consentanea, atque pro-
 ximo loco post quatuor Concilia habenda
 esse arbitramur.* De Concilio quinto
 nullam faciunt mentionem, quia illud de
 Fide nihil definierat. Deinde Fidem suam
 de Incarnatione explicant, & duas vo-
 luntates diserte confitentur. Cum ve-
 ro definitionem Concilii, cui subscripse-
 runt, Benedictio Papæ remiserunt, &
 adjunxerunt librum, in quo Fidem suam
 fufe exponebant, non nullæ formulæ dis-
 plicue.

Hispani
 Concilium
 recipiant.

plicuerunt Papæ, præsertim ista: *Voluntas genuit Voluntatem.* Et rursus: *In Jesu Christo tres sunt Substantiæ.* Hæc Papa coram illo, quem Hispani miserant, non dissimulavit, atque Hispani Papæ litteris eodem anno missis, quæ videbantur, responderunt.

Benedictus Papa nihil non fecit, ut Macarium Antiochenum, Romæ exulem, converteret, & præstituto sex Septimanarum tempore quotidie Bonifacium, sibi a Consiliis, ad eum misit, qui ad Pœnitentiam exhortaretur; sed Macarius nunquam mentem mutavit. Benedictus Papa non ultra decem menses & duodecim dies S. Sedem tenuit, & nihilominus duodecim Episcopos ordinavit. Ecclesiam S. Petri & S. Laurentii Lucinæ reparavit. Ecclesias S. Valentini & S. Mariæ Martyrum, quæ dicitur Rotunda, ornavit. Clericis & Monasteriis triginta auri libras legavit. Sepultus est ad S. Petrum octavo Maji, anno 686. atque in numerum Sanctorum relatus. S. Sedes vacavit duobus mensibus & dimidio.

Sæculum VII
A. C. 684.

Conc. Tol.
XV. p. 1296.

Conc. Nic. II
Act. I. p. 802.
to. 7. Conc.

Anast.

Papebr.
Conc. Chr.
p. 109.

Martyr. R.
7. Maji Boll.
to. 13. p. 196.

§. XXXIV.

*Constantini Obitus. Justinianus II.
Imperator.*

Benedicto S. Petri Sedem tenente Constantinus capillos duorum filiorum suorum